

## NË EMËR TË POPULLIT

**GJYKATA THEMELORE NË FERIZAJ-DEPARTAMENTI PËR KRIME TË RËNDA,** si gjykatë e shkallës së parë penale, me kryetarin e trupit gjykues Musa Konxheli me bashkëpunëtoren profesionale Mirlinda Bytyqi-Rexhepi, në çështjen penale ndaj te pandehurit **P.L.** nga Ferizaj,Rr”.....”, per shkak te veprës penale” blerja, posedimi, shperndarja dhe shitja e pa autorizuar e narkotikeve, substancave psikotropike dhe analoge nga neni 273 par.1 te KPRK-së, sipas aktakuzës së Prokurorisë Themelore në Ferizaj-Departamenti për Krime të Rënda, PP/I.nr.42/16 te dt.10 nëntor 2016, në praninë e përfaqësuesit të akuzës, prokuroret të shtetit, z. Shukri Jashari , të pandehurit, P.L., pas mbajtjes së shqyrtimit fillestar, gjyqesor publik më dt.23.12.2016, sjell dhe publikisht shpalli këtë :

### A K T G J Y K I M

I pandehuri: **P.L.**, me nofkën”....” nga Ferizaj, rruga”.....”, data e lindjes....ne te njejtin vend nga I ati G.,dhe I nenes Z.,mbiemri I vajzerise se nenes Sh., Shqiptar, shtetas i Republikës së Kosovës, ka te kryer shkollen e mesme, I pa martuar, me profesion punetor fizik, I gjendjes se mesme ekonomike,mbrohet ne liri.

### ESHTË FAJTOR

Sepse me dt.30 mars 2016,rreth ores 11.30h,ne banesen e tij ne rrugen”.....” ne Ferizaj,ka poseduar pa autorizim,me qellim shitje,substance të dyshuar narkotike të llojit marihuana, në atë mënyrë që gjatë kontrollit nga ana e Policisë së Njësitit antidrogë,ne banesen e tij janë gjetur tri qese me substance të dyshuar narkotike te llojit marihuana, me

peshtë të përgjithëshme prej 43,86 gr. Si dhe një qese me fara të bimës kanabis, me q' rast subst

ance e dyshuar narkotike është sekuestruar përkohësisht nga policia

Me te cilën kreu veprën penale **blerja, posedimi, shperndarja dhe shitja e pa autorizuar e narkotikeve, substancave psikotropike dhe analoge nga neni 273 par.1 te KPRK-së**

Andaj gjykata duke u bazuar ne dispozitat ligjore te neneve **3, 4, 7, 41, 42, 43, 45, 46, 49, 50, 52, 73, 75, 76 par.1 nenpar.1.3 te KPRK-se dhe nenit 359 e 365 te KPPRK-se**

## **I. AKTGJYKIM FAJESUES**

### **G J Y K O N**

Te akuzuarin **P.L.**,

Per veprën penale **blerja, posedimi, shperndarja dhe shitja e pa autorizuar e narkotikeve, substancave psikotropike dhe analoge nga neni 273 par.1 te KPRK-së, e gjykoi, me dënim me gjobë ne shumë prej 300 euro dhe dënim me burg në kohëzgjatje prej 6/gjashtë/muaj burg**

- Denimi I shqiptuar me gjobe do te ekzekutohet pas plotefuqishmerise se ketij aktgjykimi(me kerkese te te pandehurit denimi I shqiptuar me gjobe mund te ekzekutohet edhe me kiste mujore,por jo me shume se tri kiste mujore) ndersa denimi I shqiptuar me burg, nuk do te ekzekutohet nese I pandehuri gjate periudhes verifikuese ne afat prej një viti nga plotefuqishmeria e ketij aktgjykimi nuk kryen veper penale tjeter te kesaj natyre
- Konform nenit 273 par.5 të KPPRK-së, konfiskohet në mënyre te përhereshme: substance e dyshuar narkotike e llojit marihuan ne peshe 43,86 gr, e sekuestruar perkohesisht nga Policia e Kosoves.

URDHEROHET Policia e Kosoves qe pas plotefuqishmerise se ketij aktgjykimi ta beje shkatrrimin e substances se dyshuar narkotike te llojit marihuan ne peshe 43,86 gr. te konfiskuara ne menyre te perhereshme

I akuzuari P.L. obligohet qe ne emër te shpenzimeve ta paguaj paushallin gjyqësor në shumë prej 30/tredhjetë/ euro, në afat prej 15 ditesh nga dita e plotefuqishmerise se ketij aktgjykimi.

## **A r s y e t i m**

### Historiku i procedures

Prokuroria e Themelore në Ferizaj-Departamenti për Krime të Rënda, me aktakuzën PP/I.nr.42/16 te dt.10 nëntor 2016, me te cilen e ka ngarkuar të pandehurin **P.L.** nga Ferizaj,Rr”.....”, per shkak te veprës penale” blerja, posedimi, shperndarja dhe shitja e pa autorizuar e narkotikeve, substancave psikotropike dhe analoge nga neni 273 par.1 te KPRK-së,

Gjykata duke vepruar sipas kësaj çështje penale mbajti shqyrtimin fillestar gjyqësor më dt.23.12.2016 në të cilin prokurori i shtetit Shukri Jashari, në tërësi ka mbetur pranë akuzës duke i propozuar gjykatës që te pandehurit të shpallet fajtor për veprë penale si qe janë përshkruar ne dispozitivin e aktakauzes dhe t ‘ju shqiptohet dënimi sipas ligjit.

I pandehuri P.L., në shqyrtimin fillestar gjyqësor e ka pranuar fajsinë me të cilën e ka ngarkuar akuza duke premtuar se ne te ardhmen asnjëherë nuk do te kryej vepra penale tjera apo te ngjashme.

Meqenëse i pandehuri P.L. ka pranuar fajësinë për veprën penale për të cilën e ngarkon aktakuza në të gjitha pikat e sajë, i cili pranim është në përputhje me kriteret e përcaktuara me neni 248 par.1 të KPPK-së, kryetari i trupit gjykues pasi paraprakisht ka

marr edhe mendimin e prokurorit te shtetit, konform nenit 248 par.5 të KPPRK-së ka pranuar fajësinë e të pandehurit në shqyrtimin fillestar .

### **Analiza e ligjit material**

Vlerësuar nga aspekti juridik gjykata gjeti se ekzistojne elementet e vepres penale në veprimet e të pandehurit, P.L., per shkak te veprës penale” blerja, posedimi, shperndarja dhe shitja e pa autorizuar e narkotikeve, substancave psikotropike dhe analoge nga neni 273 par.1 te KPRK-së

Kryerja e veprave penale nga te akuzuarit vertetohet edhe nga provat tjera te propozuara nga prokurori I shtetit ne aktakuzen e cila eshte object shqyrtimi dhe ate: vertetimet mbi sekuestrimin e perkoheshem te sendeve I dt.30.03.2016, procesverbali mbi perkufizimin e baneses, lokaleve, hapsires dhe personave, I dt.30.03.2016, raporti I ekspertizes me nr.AKF/2016-1351/2016-1121,dt.28.06.2016, si dhe fotografit te cilat gjenden ne shkresat e lendes.

### **Përcaktimi i dënimit**

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73, 74 dhe 75 dhe 76 te KPRK-se. Sipas nenit 74 par.3 nenpar.3.10 dhe 3.11 te KPRK-se, si rrethanë veçanërisht lehtësuese për të pandehurit mori pranimin e fajësisë, dhe keqardhjen te shfaqur nga te pandehurit. I njëjti pas kryerjes se kësaj vepre penale është penduar dhe është zotuar se në të ardhmen nuk do të përsëris vepra të tilla penale, Gjithashtu si rrethane lehtesuese gjykata mori faktin se I pandehuri pas kryerjes se vepres penale më asnjehere nuk e ka perseritur te njejten. Gjykata mori parasysh edhe llojin e narkotikut dhe sasine e vogel qe eshte gjetur tek I pandehuri. Këto rrethana duke i ndërlidhur me rrethanat tjera personale si moshën e re te te pandehurit kur ka kryer veprën penale, gjendjen e rëndë ekonomike dhe sjelljen korrekte gjatë procedurës, gjykata conform nenit 75 dhe 76 te KPK-se aplikoi institutin e zbutjes së denimit ndaj të pandehurit te lartecekur dhe te njejtin e gjykoi me denime nen minimumin e paraparë me ligjë.

Si rrethana rënduese gjykata vlerësoi veprimin-dashjen e të pandehurit, P.L. dhe se I njehti edhe me pare eshte gjykuar per veper penale te kesaj natyre, pastaj shkallën e përgjegjësisë penale dhe rrezikshmërinë konkrete të veprës penale, andaj në kuptim të gjitha këtyre rrethanave të pandehurin e gjykoi me dënim të pëcaktuar si në dispozitiv të këtij aktgjykimi të cilat dënime janë në minimumin e paraparë ligjor , me të cilat dënime do të arrihet qëllimi ndëshkimor në kuptim të nenit 41 të KPRK-së që të njëjtin ta parandalojë nga kryerja e veprave penale në të ardhmen dhe të bëjë rehabilitimin e tij si dhe të përmbajë persona të tjerë nga kryerja e veprave penale.

Substancat narkotike te sekuestruar u konfiskuan ne menyre te perhereshme

Konform nenit 450 par.2 pika 2.6 të KPPRK-së, i akuzuari u obligua që në emër te shpenzimeve ta paguaj paushallin gjyqësor në shumë prej 30/tredhjetë/ euro, në afat prej 15 ditësh nga dita e plotefuqishmerise se këtij aktgjykimi.

Nga arsyet e lartë përmendura është vendos si në diapozitiv të këtij aktgjykimi.

**GJYKATA THEMELORE NË FERIZAJ-  
DEPARTAMENTI PËR KRIME TË RËNDA,  
PKR.nr.163/16, dt. 23 Dhjetorë 2016**

**Bashkepunetorja profesionale:**

Mirlinda Bytyqi-Rexhepi

**Kryetari i trupit gjykues**

Musa Konxheli

**KËSHILLA JURIDIKE**

Kundër këtij aktgjykimi është e lejuar ankesa, Gjykatës së Apelit në Prishtinë në afat prej 15 ditësh nga dita e pranimit të kopjes me shkrim të këtij aktgjykimi, për mes kësaj gjykate.